

結一盧朱氏贖餘叢書

劉賓客文集卷第九記下

記

夔州刺史廳壁記

連州刺史廳壁記

機汲記

洗心亭記

復荆門縣記

武陵北亭記

夔州刺史廳壁記

夔在春秋為子國。楚并為楚九縣之一。秦為魚復。漢為固陵。蜀為巴東。梁為信州。初城於瀼西。後周大總管龍門拓王公述登白帝。歎曰：此奇勢可居。遂移府於今治所。是歲建德五年。隋初楊素以越公領總管。又張大之。唐興武德二年。詔書其以信州為夔州。七年。增名都督。

府督黔巫一十九郡開元中猶領七州天寶初罷州置郡號雲安至德二年命嗣道王鍊為太守賜之旌節統硤中五郡軍事乾元初復為州偃節於有司第以防禦使為稱尋罷以支郡隸江陵按版圖方輸不足當通邑而今秩與上郡齒特以帶蠻夷故也故相國安陽公乾曜嘗參軍事修圖經言風俗甚備今以郡國更名之所以然著於壁云凡名殊必以國事建必以年謹始也長慶二年五月一日刺史中山劉某記

連州刺史廳壁記

此郡於天文與荊州同星分田壤制與番禺相犬牙觀民風與長沙同祖習故嘗隸三府中而別合乃今最久

結二廬宋氏贍餘叢書

而安得人統也按宋高祖世始析郴之桂陽為小桂郡後以州統縣更名如今其制宜也郡從嶺州從山而縣從其郡邑東之望曰順山由順以降無名而相歆者以萬數回環鬱遶迭高爭秀西北朝拱於九疑城下之浸曰湟水由湟之外支流而合輸以百數淪漣汨滴孽山為渠東南入於海山秀而高靈液滲漉故石鍾乳為天下甲歲貢三百銖原鮮而臚卉物柔澤故紵蕉為三服貴歲貢十笥林富桂檜土宜陶旒故侯居以壯聞石伴琅玕水孕金碧故境物以麗聞環峯密林激清儲陰海風颭温交戰不勝觸石轉柯化為涼颼城壓楮岡踞高負陽土伯噓溼抵堅而散龔山逗谷化為鮮雲故罕罹

嘔泄之患。亟有華皓之齒。信荒服之善部。而炎裔之涼墟也。永貞元年。余始以尚書外郎。坐黨累。出補茲郡。居無何。吏議以是遷也。不足夷其責。故道貶爲朗州司馬。後十年。詔書徵還。抵京師。俄復前命。佩故印綬。而南曩之騎竹馬。北向相俟者。咸任郡縣。巾鞵來迎。下車之日。私言且笑。旣視事。得前二千石名姓於壁端。宰臣王峻。倖卿劉冕。儒官嚴士元。聞人韓泰。僉拜焉。或久於其治。功利存乎人民。或不之厥官。翹顛載於歌謠。余不佞。從羣公之後。肇武德。距於今。凡五十有七人。所舉者四君子。猶振裘之於領袖焉。元和十一年七月二十四日。刺史中山劉某記。

結廬朱氏廢餘叢書

機汲記

瀕江之俗。不飲於鑿。而皆飲之流。予謫居之明年。主人授館於百雉之內。江水沄沄。周墉間之。一旦有工爰來。思以技自賈。且曰。觀今之室廬。及江之涯。閒不容畝。顧積塊峙焉。而前耳。請用機以汲。俾轟然之狀。莫我遏已。予方異其說。且命之飭力焉。工也。儲思環視。相面勢而經營之。由是比竹以爲畚。寘于流中。中植數尺之臬。輦石以壯其趾。如建標焉。索綯以爲絙。縻於標。垂上屬數仞之端。互空以峻其勢。如張弦焉。鍛鐵爲器。外廉如鼎耳。內鍵如樂鼓。牝牡相函。轉於兩端。走於索上。且受汲具及泉。而修綆下。繩盈器而圓軸上。引其往。有建瓴之

駛其來有推轂之易瓶緇不羸如搏而升枝長瀾出高岸拂林杪踰峻防剝蟠木以承澍貫脩筠以達脈走下潺湲聲寒空中通洞環折唯用所在周除而沃盥以蠲入爨而錡釜以盈飪餼之餘移用於湯沐涑澣之未泄注於圃畦雖漢湧於庭莫尙其需洽也昔予嘗登陴攔然念懸流之莫可遽挹方勉保庸督賦獲醵而挈之至於裂肩龜手然猶家人視水如酒醪之貴今也一任人之智又從而信之機發於冥冥而形於用物浩漾東流赴海爲期幹而遷焉逐我頤指鼻之所謂阻且艱者莫能高其高而深其深也觀夫流水之應物植木之善建繩以柔而有立金以剛而無固軸卷而能舒竹圓而能

結廬采氏曠餘叢書

通合而同功斯所以然也今之工咸盜其古先工之遺法故能成之不能知所以爲成也智盡於一端功止於一名而已噫彼經始者其取諸小過歟

洗心亭記

天下聞寺數十輩而吉祥尤章章蹲名山俯大江荆吳雲水交錯如繡始予以不到爲恨今方弭所恨而充所望焉旣周覽讚歎於竹石間最奇處得新亭形焉如巧人畫鼇背上物卽之四顧遠邇細大雜然陳乎前引人目去求瞬不得徵其經始曰僧義然嘯侶爲工卽山求材槃高孕虛萬景全來詞人處之思出常格禪子處之遇境而寂憂人處之百慮永息鳥思猿情繞梁厯榭月

來松間彫鏤軒墀石列筍簾藤蟠蛟螭修竹萬竿夏含涼颺斯亭之實錄云爾然上人舉如意挹我曰既志之盍名之以行乎遠夫余始以是亭圍視無不適始適乎目而方寸爲清故名洗心長慶四年九月二十三日劉某記

復荆門縣記

直故郢北走之道其聚邑曰荆門揭起重關殿於樂都名視縣內之制居殷形束之要故吏師重焉通外民之底貢會南藩之述職故賓禮蕃焉其肇允經營實王孫昌夔居荆以表之命行名建而締構之弗暇無幾何有由勇爵而授赤社於茲者激馳名於省齋謂相沿爲非

結廬采氏賡餘叢書

智因請罷去其號發踐吏以董之有司不能端究事本循空言而可其奏繇是分地征以歸他邑野之人有回遠之歎廢文吏而顛成督行之旅有誰何之難是利不及下也黎民病之自馮而南斯爲畫疆抵郡之路貫其七舍持瑞節而銜急宣之使蓋陰相交遂使服縵胡者備問俗之對執刀匕者申餼牢之禮是敬之不及賓也君子病之如是幾二十歲距永貞元年江陵尹裴公政成上游德及於人大建長利俾無遺害乃外濟羣欲內張全募周圖經制條白於狀昌言旣從公議攸同忘勞之徒樂用之工載大其門載高其墉徑術脈分闡閭架空然後析便地以肥之建具官以司之糜羨財以償其

力役汰冗食以資其秩稍田里不聞於徵令縣官無減於歲入越某月既成而落之官修其方人樂其居將迎犒飫之儀展廢置符繻之事舉戍夫有伍公吏有職由彙而分率無踰閑入其封者可以知教元和元年四海會同天子命公師長南宮三年公以介圭入覲途出斯邑邑人之華皓幼童咸須於道周距躍而謠曰起我堙廢而完之徠我蕩析而安之昔室於墟風搖雨濡自公優柔鄆閑盈兮昔飲於洿夏涸冬枯自公感通鬻沸生兮淑旂之華兮四牡之騏僎公之還兮觴以祝之卻略蹠蹠百形一音公爲駐錯衡而勞之有以文從公者紀事於牘且曰民可懷也蓋命夫學舊史之事以志焉公

結廬朱氏曆餘叢書

不得讓而從之走是以有授簡之辱初公以縣之之便聞於上也禹錫方以郎位貼職於計曹章下之日得以省事逮今以遷人獲宥於善部工休之日得以踐履故於拜命無牢讓於傳信無愧詞以爲古之創物建庸宜於人民而得其時者則必歌其事功爲後代法雅有營謝美召伯也傳稱城沂賢蔦敖也賦水泉原隰之狀志慮事命日之規當書而詠之細亦弗可略也是用謹其本始而存乎篇俾後之視今者知楚郊之令典云

武陵北亭記

郡北有短亭繇舊也亭孤其名地藏其勝前此二千石全然見之建言而莫踐去之日率遺恨焉七年冬詔書

以行使符授尚書水曹外郎竇公常曰命爾爲武陵守
莅止三月以碩畫佐元侯平裔夷降渠魁又三月以順
令率蒸民增水坊表火道是歲大穰明年政成農緣畝
以勇勸工執技以思賈因民之餘力乘日之多暇乃顧
其屬曰郊道有候亭示賓以不恩也雖聞茲地韜美未
發豈有待邪自吾之治於斯也購徒庀材大起堙廢未
嘗植私庭礪燕寢役必先公人不余瑕調賦幸均矣城
池幸完矣而重浹辰之役掠苟簡之問卒使勝躅冒沒
猶璞而不攻懼換符之日還復齎恨無乃遺誚於來者
乎言得其宜智愚同贊於是撤故材以移用相便地而
居要去凡木以顯珍茂汰汙池以通淪漣自天而勝者

結廬宋氏贍餘叢書

列於騁望由我而美者生於頤指箕張筵楹股引房櫳
斧斤息響風物異態大道出乎左藩澄湖浸乎前垠仙
舟祖軼繇是區處九月壬午工告休亭長受成赤車威
遲於以落之肅賓而入園視有適沈水北澳陽山南麓
默焉蘧蘧雄殿郊隅前軒舒陽朱檻環之舞衣回旋樂
簾參差北廡延陰外阿旁注芊眠清泚羅入洞戶初筵
修平彫俎靜嘉林風天籟與金奏合亦旣醉止州從事
舉白而言曰室成於私古有發焉矧成於公庸敢無詞
觀乎棼楣有嚴丹牖相宣象公之文律睦然而光也望
之弘深卽之坦夷象公之酒德温然而達也庭芳萬本
跗萼交映如公之家肥熾而昌也門闢戶闔連機弛張

似公之政經便而通也。因高而基，因下而池，躋其高，可
以廣吾視，泳其清，可以濯吾纓。俯於遠，惟行旅謳吟，是
采瞰於野，惟稼穡艱難，是知雲山多狀，昏旦異候，百壺
先韋之饑，迎退食私辰之宴，嬉觀民風於嘯詠之際，展
宸戀於天雲之末，動合於誼，匪唯寫憂，公曰：夫言之必
可書者，公言也。從事不以私視予，余從而讓之，是自還
也。其可乎？迺授簡於放臣，俾書以示後。後之思公者，雖
灌叢萋草，尚勿翦拜，矧翬飛之革，然石刻之隱然歟。

劉賓客文集卷第九十七

字本共九葉

十一月十日伯家信寄七夫與於畢

結廬朱氏贖餘叢書

劉賓客文集卷第十四
書書

上杜司徒書

獻權舍人書

為京兆李尹答于襄州第一書

為京兆李尹答于襄州第二書

答饒州元使君書

答容州竇中丞書

答柳子厚書

與柳子厚書

答道州薛郎中論方書書

與刑部韓侍郎書

答道州薛郎中論書儀書

上杜司徒書 時元和元年

月日故吏守朗州司馬員外置同正員劉某謹齋沐致誠命僕夫持書敢獻於司徒相公閣下昔稱韓非善著書而說難孤憤尤爲激切故司馬子長深悲之爲著於篇顯白其事夫以非之書可謂善言人情使逢時遇合之士觀之固無以異於他書矣而獨深悲之者豈非遭罹世故益感其言之至邪小人受性顛蒙涉道未至末學見淺少年氣粗常謂盡誠可以絕嫌猜徇公可以弭讒愬謂慎獨防微爲近隘謂艱貞用晦爲廢忠芻狗已

結廬朱氏贍餘叢書

陳刻舟徒識罟獲隨足俛然無知事去癡想時時自笑然後知韓非之善說司馬子長之深悲跡符理會千古相見雖欲勿悲可乎大凡恆人之所以靈於庶類以其能羣以勝物也烈士之所以異於恆人以其仗節以死誼也然則交相喪者世與道難合并者機與時是以有死誼之心而卒不獲其所者世人悲之獲其所矣而一旦如不得終焉者君子悲之世人之悲悲其不遇無成而虧故其感也近君子之悲悲其不幸旣得而喪故其感也深其悲則同其所以爲悲則異若小人者其不幸歟閒者昧於藩身推致危地始以飛謗生釁終成公議抵刑旬朔之間再投裔土外贖相公人知之鑑內貽慈

親非疾之憂常恐恩義兩乖家國同負寒心銷志以生
為慙雖欲瀝血以自明顯天以自訴適足來眾多之誚
豈復有特達見知者邪遂用誼盟於心不復自白以內
咎為弭謗之具以吞聲為窒隙之媒庶乎日月至焉而
是非乃辨會友人江陵法曹掾韓愈以不幸相悲且曰
相國扶風公之遇子也厚非獨余知之天下之人皆知
之矣余初聞子之橫為口語所中獨相國深明之及不
得已而退則為之流涕以訣又不得已而譴則為之擇
地以居求之於今難與侔矣抑余又聞曩子之介於司
徒府奉誠敬於山園上公亟亟稱於人以為不懈於位
今則有修儀以贊其詔相者有備物以贊其容衛者七

結一廬朱氏賡餘叢書

月禮畢一朝慶行誥言敷之授以顯秩子獨足趾一跌
而前勞併捐祝網之辰動維疏目可封之代乃為窮人
斯常情之所悲矧知子之厚者夫蹈者思起必諱而求
拯疾者思愈必呻而求醫子宜諱於有力而呻於有術
如何以箝口自絕為智以甘心受誣為賢嗛然自咎求
知於默彼李斯逐焉而為上卿鄒陽囚焉而為上客二
子者豈默以求知者邪若可訴而不言則陷於畏可言
而不辯則鄰於怨畏與怨君子之所不處子其處之哉
韓生之言未及竟而小人不知感從中來始赧然以愧
又缺然以慄終悄然以悲悲斯歎歎斯憤憤必有泄故
見乎詞敢聞左右投所閱也嗟夫人之至信者心目也

天性者父子也不惑者聖賢也然而於竊鈇而知心目之可亂於掇蜂而知父子之可閒於拾煤而知聖賢之可疑況乎道謝孔顏恩異天性是非之際愛惡相攻爭先利途虞相軋則釁起希合貴意雖無嫌而謗生魯酒致邯鄲之圍飛鳶生博者之禍伯仁之殺由偶對伯奢之冤以器聲動罹險中皆出意表雖欲周防亦難曲施加以吠聲者多辨實者寡飛語一發臚言四馳萌芽始奮枝葉俄茂方謂語怪終成禍梯嗚呼人必求之不能自達何投分效節有積塵之難何譖行愛弛有決防之易何將進之日必自見其可而後親何將退之時乃人言其否而遂棄良由邪人必微邪謀必陰陰則難明微

結廬朱氏贍餘叢書

則易信罔極大甚古今同途是以前修鑒其若此姑以推心取信不以循迹生嫌由是求忠臣於孝子求良婦於罵己食子盡節也推其忍可以疑心放麕違命也推其仁可以屬國若謂其孝於親未必能忠專於夫未必能貞忍於子未必能忍於其他仁於獸未必能仁於其類則是天下之人盡不可信而盡可誣固不然也凡人之行已必恆於所安苟非狂易不能甚異小人自居門下僅踰十年未嘗信宿而不侍坐率性所履固無遁逃言行之閒足見真態伏惟推心以明其迹追往以鑒於今苟謂其嘗掩人以自售矣嘗近名以冒進矣嘗欺謾於言說矣嘗昏貪於求取矣嘗狎比其瑣細矣嘗媒孽

其僚友矣嘗短激以買直矣嘗詰譎以取容矣嘗漏言於咨諏矣嘗敗務於簿書矣有一於此雖人謂其賢我得而刑也豈止於棄乎苟或反是雖人謂其盜我得而任也庸可而棄乎由是而言小人之善否不在眾人所以受譴已還行及半歲當食而歎聞弦尚驚不以眾人之善爲是非唯以相公之意爲衡準自違聞左右亟蒙簡書慰誨勤勤窮頌增感伏想仁念必思有以拯之況禮道貴終人情尚舊嘗盡其力必加以仁於犬馬之微有帷蓋之報顧異於是豈無庶幾儻浮言可以事久而明眾嗷可以時久而息弘我大信以祛羣疑使熒熒微志無已矣之歎覲乎異日得夷平民然後裹足西向謝

結廬宋氏贖餘叢書

恩有所復以塵纓黻貌稱故吏於相門此言朝遂可以夕死何則復於變者其義重拯於危者其感深睽而後合示終不可睽也否而後泰示終不及否也獲寶於己喪得途於旣迷與夫平居不爲艱故所激者其味異矣伏以大君繼明元宰柄用鴻鈞播平分之氣懸象廓無私之照渙汗大號與人惟新昭回汪濊旁下郡國投荒爲民者咸釋拳拮遂還里閭繫於稍食猶在羈絆伏讀赦令許移近郊今武陵離京師羸二千者無幾小人祖先壤樹在京索間瘠田可耕陋室未毀濡露增感臨風永懷伏希憫其至誠而少加推恕命東曹補吏置籍於滎陽伍中得奉安輿而西拜先人松楸誓當齋志沒齒

盡力於井臼之間。斯遂心之願也。如或官謗未塞。私欲未從。雖爲裔民。乃有善地。則北距澧浦。資宿舂而可行。無道途之勤。蠲僕賃之費。重以鎮南用和。輔理扇仁風於上游。霽嚴施惠。得以自遂。斯便家之願也。伏惟降意詳察。擇可行者處之。乞恩於指顧之間。爲惠有生成之重。雖百穀之仰膏雨。豈喻其急焉。嗟哉小生。仕逢聖日。豈曰不辰。知有相君。豈曰不遇。而乘運鍾否。俾躬罹災。同生無手足之助。終歲有病貧之厄。孰不求達而獨招嫌。孰不求安而獨乘坎。賦命如此。雖悔可追。湘沅之濱。寒暑一候。陽雁纔到。華言罕聞。猿哀鳥思。啁啾異響。莫夜之後。併來愁腸。懷鄉倦越。吟之苦舉。目多似人之喜。

結一廬宋氏贍餘叢書

俯視遺體。仰安高堂。悲愁惴慄。常集方寸。盡意之具。固不在言。身遠與寡。捨茲何託。是以因言以見意。恃舊以求哀。敢希末光。下燭幽蟄。孤志多感。重恩難忘。願瞻門館。慙戀交會。伏紙流涕。不知所云。禹錫惶悚再拜。

獻權舍人書

禹錫在兒童時。已蒙見器。終荷薦寵。始見知名。眾之指目。忝閣下門客。懼無以報稱。故厚自淬琢。靡遺分陰。乃今道未施於人。所蓄者志。見志之具。匪文謂何。是用顙頤懇懇於其閒。思有所寓。非篤好其章句。泥溺於浮華。時態眾尙。病未能也。故拙於用譽。直繩朗鑒。樂所趨也。故銳於求益。今謹錄近所論撰。凡十數篇。斷端較是非。

取關於左右猶夫礦朴納於容範嘗聞昔宋廣平之沈下僚也蘇公味道時爲繡衣直指使者廣平投以梅花賦蘇盛稱之自是方列於聞人之目是知英賢卓犖可外文字然猶用片言借說於先達之口藉其勢而後驤首當時矧碌碌者疇能自異今閣下之名之位過於蘇公之曩日而鄙生所賦或鉅於梅花則沈泥干霄懸在指顧閒其詞汰而喻僭誠躋禮也繫游藩之久覬尙舊而霽嚴禹錫惶悚再拜

爲京兆李尹答于襄州第○書二首

閣下以大墓世在三原而去河南益遠尙繫於數百年之外於義不安遂奮然移羣從率先行古占數爲京兆

結廬宋氏贍餘叢書

人且命使者修敬於鄙薄缺然不敢當此之重洪惟閣下世雄朔易四姓之冠其宗勳有八柱之貴其碩德有三老之重因都入雒錫之土田自生齒已上列於侯籍與夫其先嘗爲編戶民者大殊謹按永徽格貫在兩都者無害爲本部官蓋神州赤縣尊有所厭非他土之比實待罪輦轂下閣下宣風江漢爲諸侯師介圭入覲必參大政其展禮措事宜爲羣倫所觀非據之榮赧然汗下不宣實再拜

第二書

實白前辱閣下書厚自枉屈執州人之禮兼示移羣從書明所以去河南從京兆爲望之旨於古儀爲得然而

通行之自久或獻疑焉是以前書不敢不逡巡牢讓亦有以發閣下之雄辯使嚼然爲世程者今日某日函使至果貽理言大明時人之所以失而我獨障頽波而逢其原既一辭不獲命又學淺不堪往復敢不敬從前史稱以大將軍而有揖客豈不爲重循汲直之言則有以略其理而增高者今鄙人之不讓適有以增閣下之重耳實白

答饒州元使君書

傳使至蒙致書一函辱示政事與治兵之要明體以及用通經以知權視陰陽慘舒之節取震虩澤濡之象知天而不泥於神怪知人而不遺於委瑣先鄉社之治以

結廬朱氏贍餘叢書

淡於舉郡首隊伍之法以及於成師猶言數者起一而至萬操律者本黃鍾以極八音誠通人之說章章必可行者也鄙生涉吏日淺嘗耳剝老成人之言熟矣今研覈至論淵乎有味非游言架空之徒喜未常不至抃也故揚摧所見以累下執事云蓋豐荒異政繫乎時也夷夏殊法牽乎俗也因時在乎善相因俗在乎便安不知法斂重輕之道雖歲有順成猶水旱也不知日用樂成之義雖俗方阜安猶蕩析也徒木之信必行則民不惑此政之先也置水之清必勵則人知敬此政之本也鈔筭之機或行則姦不敢欺此政之助也則有以其弛張雄雌唯變所適古之賢而治者稱謂各異非至當有二

也。顧遭時不同耳。夫民足則懷安，安則自重而畏法，乏則思濫，濫則迫利而輕禁。故文景之民厚其生，為吏者率以仁恕顯；武宣之民亟於役，為吏者率以武健稱。其寬猛迭用，猶質文循環，必稽其弊而矯之，是宜審其究奪耳。太史公云：身脩者官未嘗亂也。然則脩身而不能及治者有矣，未有不自己而能及民者。今之號為有志於治者，咸能知民困於杼軸，罷於征徭，則曰司牧之道莫先於簡廉奉法而已。其或材拘於局促，智限於罷懦，不能斟酌盈虛，使人不倦，以不知事為簡，以清一身為廉，以守舊弊為奉法，是心清於棖闌之內，而柄移於胥吏之手，歲登事簡，偷可理也。歲札理叢，則潰然攜矣。故

結廬朱氏賡餘叢書

曰：身脩而不及理者有矣。若執事之言政，詣理切情，斥去迂緩，簡而通，和而毅，其修整非止乎一身，必將及物也。其程督非務乎一切，必將經遠也。防民之理甚周，而不至皎察，字民之方甚裕，而不使侵蟬，知革故之有悔，審科民之多撓，厚發姦之賞，峻欺下之誅，調賦之權，不關於猾吏，逋亡之責，不遷於豐室，因有年之利，以補敗汰不急之用，以嗇財為邦之要，深切著明，若此其悉也。推是言，按是理，而篤行之，烏有不及治邪？古稱言之必可行，非樂垂空文耳。有人民社稷，固可踐其言也。潁江之郡，饒為大履，番君之故地，漸甌越之遺俗，餘干音翰有畝鍾之地，武林有千章之材，其民牟利鬪力，狃於輕悍。

故用暴虐聞重以山茂檟苦金豐鐐銑齊民往往投鏃
鏃而卽鏗鑄損絲泉而工舉擷乘時詭求其息倍稱聞
聞主分土者盡籠其利而幹之坐簿書舛錯爲中執法
所劾事下三府以受賕論其刑甚渥於今列郡不寒而
慄彼邦人聆其風聲固曰彼浚民者上罪之若此其念
民也至矣今二千石以前失職非其罪執事者卽人心
而用之彼邦人是必翹然須其至而安矣以思治之民
遇習治之守欲不至於富庶得平昌黎韓宣英好實蹈
中之士也前爲司封郎以餘刃剗劇於計曹號無逋事
能承其家法而紹明之庭堅仲容之族也坐事爲彼郡
司馬更聞餘者再焉是必能知風俗之良窳采察之善

結廬朱氏贍餘叢書

否蓋嘗問焉足爲羣疑之寶龜也至於否臧文律戢玩
之戒均權以制動函隸以稔勇平居使不墮萃聚使不
譁坐作疾徐心和氣振誠纖悉於所示也故置之以須
執事異日承進律之命握獸符而駕寅車而後貢其瞽
言重曉左右耳

答容州竇中丞書

健步劉子良至猥奉書教以愚爲希儒之徒重言一發
華袞非貴世之服儒衣冠道古語居學官者爲不鮮矣
求其知所以然者幾何人借曰有之未必不詬病耳今
夫挾弓注矢遡空而發者人自以爲皆羿可矣移之於
澤宮則噤而不敢言何哉有的不可欺故也今夫儒者

函矢相攻，蝸蟻相喧，不啻於彀弓射空矢者，孰爲其的哉？異日見道大行，則言益重，使儒者之的懸於舌端，不得讓也。由是知辱教之喜，可勝旣乎。閒承得一二易生，列侍絳帳，荒服之外，持經鼎來，爭捐珠璣，以易編簡，不疾而速，其君子之德風歟。而裔憬俗已丕變矣。願其風候，非民和可移地，泄恆燠，冬無嚴氣，其在嗇神以佑藥兼味，以禦祲，所謂養賢以及萬民，順之時義，不可不順。苟以有待及物爲心，則養己與養民，非二道也。矧羣情之頽頽乎，禹錫再拜。

答柳子厚書

禹錫曰：零陵守以函置足下書，爰來屑末三幅小章書。

結一廬宋氏賸餘叢書

僅千言，申申疊疊，茂勉甚悉，相思之苦，懷膠結贅聚，至是泮然以銷，所不如晤言者無幾。書竟獲新文二篇，且戲余曰：將子爲巨衡，以揣其鈞石銖黍，余吟而繹之，顧其詞甚約而味淵然，以長氣爲幹，文爲支，跨躒古今，鼓行乘空，附離不以鑿枘，咀嚙不以文字，端而曼，苦而腴，佶然以生，癯然以清，余之衡誠懸於心，其揣也如子之戲，余果何如哉？夫矢發乎羿，彀而中，微存乎他人，子無曰必我之師，而能我衡，苟能則譽羿者皆羿也，可乎？索居三歲，理言蕪而不治，臨書軋軋不具，禹錫白。

與柳子厚書

閒發書，得箏郭師墓誌一篇，以爲其工獨得於天姿，使

木聲絲聲均其所自出。抑折愉繹，學者無能如繁休伯之言。薛訪車子不能曲盡如此，能令鄙夫冲然南望，如聞善音。如見其師，辱文寤事，神驚心得，徜徉伊鬱。久而不能平。嗟夫，郭師與不可傳者死矣。弦張柱差，楚宜枵然貌存，中有至音，含糊弗聞。噫，人亡而器存，布方冊者是已。余之伊鬱也，豈獨為號師發邪？想足下因僕書重有槩耳，不宣。禹錫白。

答道州薛郎中論方書書

禹錫再拜。初兄出中臺，守江華人咸曰：函牛之鼎以之烹小鮮，惜乎餘地澶漫而無庸也。愚獨心有槩焉。以為君子受乾陽健行之氣，不可以息。苟吾位不足以充吾

結一廬宋氏贖餘叢書

道是宜寄餘術百藝，以洩神用。其無暇日，與得位同久。欲以是理求有得於兄，而未有路。會崔生來辱書教，果惠以所著奇方十通。商古今之宜而去其并猥，以一物足以了病者居多。非累試輒效，不在是族。或取諸屑近，亦以攬拾慮恆人多怠忽不省，必建言顯白，揚其功於已然。其他立論率以弭病於將然為先，而攻治為後。言君臣必以時言，宣補必以性言，砭灸必本其輸榮言。祓禳必因其風俗，齊和之宜。炮剔之良，暴灸有陰陽之候。煎烹有少多之取。撓反高勞以制駛，露置以養潔。味有所走，董有所歸。存諸纖悉，易則生患，非博極遐覽之士孰能知其所從來哉。愚少多病，猶省為童兒時，夙具襦

務保母抱之以如醫巫家鍼烙灌餌，直字咄然啼號，巫嫗輒
 陽陽滿志，引手直字真求，竟未知何等方，何等藥餌，及壯見
 里中兒年齒比者，必睨然作武健可愛，羞己之不如，遂從
 世醫號富於術者，借其書伏讀之，得小品方於羣方為
 最古，又得藥對，知本草之所自出，考素問，識榮衛經絡
 百骸九竅之相成，學切脈以探表候，而天機昏淺，布指
 於位，不能分累菽之重輕，第知息至而已，然於藥石不
 為惜矣。爾來垂三十年，其術足以自衛，或行乎門內，疾
 輒良已。家之嬰兒，未嘗詣醫門求治者，頃因欲編次已
 試者，為一家方書，顧力不足，今兄能我先，所以辱賜之
 喜信踰拱璧，有以賞音適道耳。常思世人居平不讀一

結廬宋氏賸餘叢書

方病則委千金於庸夫之手，至於甚殆，而曰不幸，豈其
 不幸邪？甚者或乘少壯之氣，笑人言醫，以為非急，昌言
 曰：飴口飽腹，藥其如我何！所承之氣，有時而既，於禱神
 佞佛，遂甘心焉。兄以愚言覆觀之，其人固比肩耳。前蒙
 示藥焙法，謹如教。地之慝果不能傷，雖音苳音柴胡水瀉喜
 速朽者，率久居而無害，萬物不可以無法，謂生不由養
 志其誣乎！山川匪遐，事使之遠，形不接而諭者，莫賢乎
 書臨紙，悵悵不宣，禹錫再拜。

與刑部韓侍郎書

退之從丞相平戎還，以功為第一官，然猶議者味嘽然如
 未遷陟，此非特用文章學問，有以當眾心也。乃在恢廓

器度以推賢盡材為孜孜故人心樂其道行行必及物故耳前日赦書下郡國有棄過之目以大國材富而失職者多干鈞之機固省度而釋豈鼯鼠所宜承當然譬諸蟄蟲坯戶而俯者與夫槁死無以異矣春雷一振必歆然翹首與生為徒況有吹律者召東風以薰之其化更益速雷且奮矣其知風之自乎既得位當行之無忽禹錫再拜

答道州薛郎中論書儀書

吾兄不知愚無似猥以書見攻其非且曰我與子中外屬當為伯仲其抵我書執禮太卑按舊儀凡兄弟之齒有唯無伏他以是為衰其於匹敵即前云願後云曰而

結廬朱氏贖餘叢書

已大_麻初李贄皇賈常侍猶守之無渝二公何人也我與子何人也烏有從末俗以姑息為禮而不虞識者所窺邪其有云爾愚得之退而思惟愀然自智曰在恆人為宜而在愚為過豈不能幸歟故盡言於兄期有以相暢耳夫禮之文為者定宜尊宜卑猶四方上下左右前後稱謂一立古先聖賢所不敢移管敬仲不敢當命卿之饗虞人不敢承大_喪之招先禮而後身也汲黯不為大將軍而虧九卿王祥不為錄尚書而屈三公先道而後時也是則非據之榮雖君命有所不受非道之利雖眾尚有所不為兄長於大_麻初嘗接前輩游欽其風采去承平時不甚相遠愚長於貞元中所與游皆後來諸


生然猶於稠人廣坐時聞老成人之說灌注耳目斑斑然不絕如綫其後爲御史四方諸侯悉以書來賀校其禮皆駁不同唯洪州牧李常侍異潭州牧楊中丞憑始言執事其他如儀而同在憲司者咸以二牧爲不遜愚時與其僚柳宗元昌言於眾曰監察八品也當衣碧言執事爲宜不當經怪眾咸听然而哈復謂愚云子奚不碧其服邪其不堪執事色深不可以言解及謫官十年居僻陋不聞世論所以書相問訊皆昵親密友不容變更而時態高下無從知耳前年祇召抵京師偶故人席夔談因及是事乃知與十年前大殊至有同姓屬尊致書於屬卑而貴者其紙尾言起居新婦變獨竊笑之而

結廬朱氏贍餘叢書

已然猶不敢顯言詆之今有人謂東爲西者一言發則凡人嗤爲駭且狂苟不眾非之則東西易位久矣尊卑失其儀恬而不怪安得使人如東西不敢易之哉曾子有云君子之愛人也以德細人之愛人也以姑息謂古人悉朴且賢則斯言不當發於洙泗間耳蓋三代之尙未嘗無弊由野以至僿豈一日之爲漸靡使之然也嫉其弊而救之以歸於中道必俟乎薦紳先生德與位并者揭然建明之斯易也語曰俟自直之箭則百代無一矢俟自圓之木則千歲無一輪執矯揉之器者視之灌叢無非良材耳竊觀今之人於文章無不慕古甚者或失於野於書疏獨陋古而汨於浮二者同出於言而背

馳非不能盡如古也蓋為古文者得名聲為今書者無
悔吝如水走石此句關

劉賓客文集卷第十四 宋本共六卷



結廬朱氏贍餘叢書

劉賓客文集卷第十四 表章一

表章一 為淮南王相公休備免中首

讓同平章事表一首

謝平章事表一首

謝手詔表 詔後赦親批

謝貸錢物表

請赴行營表一首

謝兵馬使朱鄭等官表

賀復吳少誠官爵表一首

賀除虔王等表一首

慰義陽公主薨表一首

慰王太尉薨表一首

代讓同平章事表

臣某言高品吳千金至奉制世日月加臣銀青光祿大夫同中書門下平章事兼徐泗濠等州節度觀察處置等使餘如故者初受恩榮若登霄漢退思塵忝如履春冰臣誠惶誠恐頓首頓首臣聞以德詔官以勞定賞苟或虛授人無勸心臣自守方隅累更時歲荷唐虞宣力之寄乏齊魯報政之能愧無可稱以答高位豈意聖慈弘獎天澤薦加以雙贊之崇名被庸虛之陋質懼速官謗有玷大猷伏以宰相之職安危是注其在當否繫於慘舒惟以材升例無平進舉不失德則副蒼生之心苟非其人

結廬朱氏贍餘叢書

或致外夷之哂臣雖愚昧嘗覽前言豈敢冒榮遂安竊位輒思事理冀盡芻蕘若以汴河要津漕運所切徐方春俶擾師旅未甯謹當上稟春叢謀下貞戎律克期而進屈指可平勦眾之先是臣之志既行其事必在正名所加節制安敢飾讓至於銀青貴服金鉉重名勳績無聞豈宜濫及伏乞賜寢前命俯亮愚衷微臣遂知止之宜聖朝無不稱之服名器斯慎退讓有聞遐邇聆風孰不知勸其新授官告謹重封進無任懇禱屏營之至

代謝平章事表

臣某言伏蒙獎拔超踐鈞衡慮玷大猷昧死陳讓再奉嚴旨不令固辭恩厚命輕位高責重中臣聞天下安危

注意將相處論道具瞻之地當總戎作鎮之權雖協夢
而求無聞秉鉞之寄登壇以拜不兼調鼎之榮授受惟
艱伊昔猶爾況臣庸瑣何以克堪陛下^①造曲成大明
私照俾掌戎律復參廟謨寵光之崇在臣已極毫髮之
效於國何施謹當罄竭微誠奉遵至教仗天威以懾不
類敷聖澤以遂羣生上分旰食之憂下塞素餐之責力
誠不足心實念茲伏乞皇明俯賜照鑒臣恪居官次遐
守藩維不獲伏謝彤庭陳露丹慊心存闕下同大馬之
戀恩身在淮潛仰雲天而結思無任懇惓屏營之至

代謝手詔表

詔後批云朕自書

臣某言中使闔忠信至奉宣聖旨存問兼賜臣手詔拜

結廬朱氏贖餘叢書

捧紫泥跪伸金簡承旨見聖神之略感恩知身命之輕
中謝臣素乏異能幸逢昌運猥當旄鉞之寄未靖祆氛榮
分台鼎之名何階啟沃竊位斯久速尤是虞豈謂^①化
曲成鴻私薦及特紉睿思親灑仙毫降自九重粲然五
色初喜麗天之象遠燭輝光旋驚垂露之蹤曲覃霈澤
鸞鳳驚翔而變態煙雲舒卷以呈姿賦彩飛文聳神蕩
目恭惟國寶何幸家藏感極涕零莫知上答應緣軍旅
庶務謹具別狀奏聞無任欣戴屏營之至

代謝貨錢物表

臣某言中使南宮懷珍至奉宣聖旨存問兼賜臣墨詔
天光下濟歡澤曲流銜恩未酬居寵彌懼中臣受任斯

極微功莫施昨以封略未甯干戈猶動壽春固壘以備盜淮甸興師以扞姦經費所資數盈鉅萬餽餉時久供億力殫慮始圖終不敢緘默輒陳管見上黷宸聰伏蒙聖慈特遂誠請遠承如綍之旨特假聚人之財軍須不愆士氣彌振糗糧既備永無半菽之虞襦袴足頒遠超挾纊之感是爲說使咸願先登臣忝總戎倍百欣荷伏以上分國用俯濟軍興候清煙塵謹備償納無任

代請赴行營表

臣某言臣自守淮濱已周星紀虔奉朝典粗安遐方素效未聞新恩薦及身曳兩綬寄深一隅蚊蚋負山力誠不足鷹鷂逐鳥志則有餘臣再授兵符夙參軍幕披堅

結廬朱氏贖餘叢書

執銳雖未經於戎行制勝伐謀亦常習於事業自忝藩翰屬時清平無施汗馬之勞但詠棗弓之什今則幸遇殊獎委之專征以身率先是臣素志况聞徐州士眾本無叛心倉卒之間危疑至此臣請自臨疆場親領紀綱裂帛繫書諭其禍福椎牛饗士養以威聲冀宣皇風煦茲蠢類以忠義感脅縱之伍以含弘安反側之徒革面悛心期乎不日其揚州留務請令行軍司馬路應權知伏乞聖慈俯賜照鑒無任

代謝兵馬使朱鄭等官表

初除侍御史續除中丞異姓王

臣某言奏事官韋温特蒙聖恩重賜朱鄭等官告宸象昭回煥然下燭榮分右職光賁遐藩中臣伏以朱鄭朴

知宗文中僅敘朱鄭姓
鄭公等字為所疑原注可證
也

忠爲心沈毅見色當建封禦侮之寄見張愔提孩之年
昨者隸職徐州分鎮蘄縣繹騷之際梗亮彌彰歷險而
來寔繁其旅詳探本末有足褒稱輒具奏聞恐須獎勸
伏蒙叡覽俯亮微誠優詔先行已階直指之列殊私薦
至超升獨坐之崇戶領三千爵踰五等恩生非次感異
常倫轅門有光武旅增氣遂使感激之士希勇爵以捐
軀猖狂之徒聆聖澤而悛性風行草偃其勢必然臣忝
總戎麾倍百欣荷無任

代賀復吳少誠官爵表

臣某言中使宋惟澄至奉宣聖旨存問兼賜臣墨詔及
昭示洗雪吳少誠等事天地弘覆燾之恩雷雨施渙汗

結廬朱氏賸餘叢書

之澤瑕累咸滌危疑獲安中臣伏以少誠擅興兵戈事
生註誤自王師致討天威下臨曾無悖辭中聞引咎初
懷疑懼雖擁眾以偷生旋感聖神屢拜章而請命陛下
仁深解網慮軫納隍念餽餉飛輓之勤閱戰爭暴露之
苦舉茲宥過之典副彼效順之誠一方承再造之恩九
有覩惟新之化敷鴻霈而覃及蠢類鼓仁風而臻於太
和罷析銷鋒自茲而始臣謬膺重寄虔守遐藩不獲稱
慶璠墀陳露丹懇仰瞻宸極倍百常情無任慶抃屏營
之至

代賀除虔王等表

臣某言中使李國真至奉宣聖旨存問兼賜臣墨詔鴻

澤浹下大明燭幽曉諭便蕃慰安稠疊中臣伏觀天書
恭承睿旨引愛人屈己之道酌因時適變之宜擇賢王
作鎮徐方俾張愔便主留務上則成邦家盤石之固下
則副士眾拜章之請戚藩之寄斯重舊勳之祀獲全不
變猖狂之徒咸躋仁壽之域既弘在宥坐見止戈率土
人臣孰不欣說臣素乏方略謬荷寵光猥塵將相之名
無施分寸之績遭逢若此報效蔑聞官謗已興渥刑宜
及陛下恩深覆載道務含弘恤公私餽餉之勤念吏士
鋒鏑之苦特紆神算昭發德音危疑獲安制置惟固好
生宥過誠陛下開網之仁尸位無功重微臣素餐之責
周章跼蹐胡顏自安但以遐守藩條恪居官次不獲仰

結廬宋氏贖餘叢書

謝雲陸陳露血誠未遂周任知止之言敢逃臧文竊位
之咎無任戰越之至

代慰義陽公主薨表

臣某言伏承義陽公主薨伏惟聖懷傷悼增切伏以公
主妍姿令則冠絕天人稟教皇宮已挺柔嘉之德降嬪
卿族益彰貞粹之儀方其作範壺闈長榮邸第豈意遘
茲短麻奄謝昌辰伏慮陛下軫念未捐深慈莫遣有虧
常膳罷設宮懸臣子之情不任惕戀况聖凡禮異邦家
制殊伏願道齊彭殤理達脩短割肌膚之愛慰寰海之
心率土人臣孰不相慰無任懇悃屏營之至

代慰王太尉薨表

臣某言伏承成德軍節度使太尉兼中書令王武俊今月某日薨沒伏以武俊生逢昌時天授忠節奮揚義勇茂建勳庸秩冠朝端參變和於台鉉姻連戚里承嘉慶於雲霄榮掩華夷事高今昔方膺作翰之寄遽迫歸泉之期鼎臣云亡梁木斯壞伏惟陛下君臣義重存沒感深臨冊綈以興懷聽鼓鼙而軫念臣恪居官守奉慰無階悲慟之誠有加常品謹遣某官某乙奉表陳慰以聞

劉賓客文集卷第十

一 字本共八葉

劉賓客文集卷第十二

表章二

表章

為淮南杜相公修中一首
並代淮南杜相公佑作

謝冬衣表一首

謝濠泗兩州割屬淮南表一首

謝麻日面脂口脂表一首

謝墨詔表一首

論廢楚州營田表一首

請朝覲表一首

謝春衣表一首

謝賜門戟表一首

謝男師損等官表一首

結廬朱氏贖餘叢書

謝端午日賜物表一首

謝墨詔表一首

代謝冬衣表

臣某言中使王國清至伏奉聖旨慰勞臣及將佐官吏
僧道耆壽百姓等并賜臣墨詔及冬衣兩副大將衣四
副者大明昭回遠燭下土殊錫稠疊延及偏裨慶抃失
圖捧戴相賀謝臣謬承委寄獲守藩條灰瑄屢移塵
露無補陛下至仁天覆玄化風薰頌以兼衣賁茲瑣質
降自天府光於轅門緘滕既開覩綵章之盛飾蹈舞而
服發溫煥於祁寒愧塵補袞之名更荷解衣之賜恩波
下浹將校同沾共戴殊榮咸思竭節生成是荷雨露難

結廬宋氏賸餘叢書

酬無任懇悃慙荷之至

代謝濠泗兩州割屬淮南表

臣某言伏奉十一月二十九日詔書其濠泗兩州令臣
依前收管臣謬承寵光作鎮淮海位均九伯權總十連
內省無堪常恐不逮豈謂恩私曲被封略有加慙無報
政之勤重受分憂之寄伏以兵戈方息閭里未安謹當
奉宣皇風慰彼黔首且責成於牧宰期不失於澄清伏
惟聖明俯賜照鑒無任感戴屏營之至

代謝麻日面脂口脂表

臣某言中使霍子璘至奉宣聖旨存問臣及將佐官吏
僧道耆壽百姓等兼賜臣墨詔及貞元十七年新麻一

不接代謝墨詔表
不接代謝墨詔表

下接代謝墨詔

上接代謝漢四州制尾
淮南

軸臘日面脂口脂紅雪紫雪并金花銀合二含稜合二
皇明遠燭殊錫薦臻抃舞失容捧戴無措伏惟皇帝陛
下立極御人順時布政禮崇大蜡澤浹遐藩臣叨榮日
深竊位時久謬回宸眷猥降王人天書下臨覩三光之
照耀玉^麻爰授知四時之環周雕匱既開珍藥斯見膏
凝雪瑩含液騰芳頓光蒲柳之容永去癘疵之患命輕
恩重上答何階無任感抃屏營之至

代謝墨詔表 二首

臣某言中使陳日華至奉宣聖旨存問兼賜臣墨詔又
以臣所奏羅珣及裴靖政理有方今各賜手詔激賞者
恩降重霄澤流下土義存獎勸榮冠等夷臣昨以羅珣

結廬朱氏贖餘叢書

下接代謝墨詔

裴靖勵精吏理效用著明人咸說安俗致殷阜急須甄
錄以勸在官輒獻封章具陳成績伏蒙叡鑒俯亮愚衷
載嘉理行之尤光示絲綸之旨守道者益以固志懷慝
者由是悛心激俗化人於茲為大臣謬司廉問職在澄
清幸遇旌善之時獲免蔽賢之責無任欣感之至

代論廢楚州營田表

臣某言中使曹進玉至奉宣聖旨存問兼賜臣墨詔以
楚州營田廢置事令臣商量奏來者跪奉天書恭承叡
旨道存致用義在隨時云云伏以本置營田是求足食
今則徒有糜費鮮逢順成刈穫所收無裨於國用種糧
每闕常假於供司較其利害宜廢已久比來循守舊制

上接代謝春衣表

不敢輕有上陳皇明鑒微特革斯弊取其田蓄授彼黎
蒸仍俾簿租誠為至當但以田數雖廣地力各殊須量
沃瑋用立程度臣已追里正臣與商量利便謹具別狀
奏聞伏惟聖慮俯賜詳擇無任震越屏營之至

代請朝覲表

臣某言臣聞臣之事君有犯無隱懇誠所至敢不罄陳
伏惟聖明俯賜矜察云臣代受國恩忝承門蔭脫巾
筮仕敢期榮名陳力效官靡樹聲績始因孤直驟歷清
班復加朝獎作藩外府遠違輦下十有四年恪守淮濱
逮今一紀犬馬懷戀寢興匪遑蒲柳易衰遲莫俄及竊
位時久妨賢愧深况厯官已來四十八考祇奉朝謁時

結廬朱氏賸餘叢書

纔二周服勤郡符荏苒垂老屏營魏闕之思夢想承明
之游如迫餒寒不忘衣食伏惟叡鑒俯亮愚衷蚤賜擇
人與臣交代授受之際冀無可虞然後脂車奔赴京輦
微願斯畢雖死猶生臣頃以戎務方殷猥加宰輔今既
事罷實慙此名為有藩鎮同時未敢輕上印綬伏以聖
朝赫赫左右惟賢漢愧得人周慙多士臣才略既短齒
髮又衰柄用之地甘心自絕所冀退歸舊里沐浴皇風
絕鍾鳴漏盡之譏展維桑與梓之敬匪惟名器不假實
貴骸骨可全知止之心神祇所鑒無任懇悃恆營之至

代謝春衣表

臣某言中使陳日華至伏奉聖旨慰勞臣及將佐官吏

上接代謝春衣表

僧道耆壽百姓等并賜臣墨詔及春衣兩副大將衣四副王人捧詔御府降衣寵光不隔於遐藩慶賜猥霑於裨將臣素乏器能謬膺驅使每慙效薄常懼食浮陛下覃以至仁均其厚施宰元和而布澤順時律以頒衣出自禁中賁於臣下執領禮而抃舞失次被纖柔而顧盼增輝舉體動容既安且吉在身不稱恐招鵠翼之譏居位無功叨受鶴紋之賜下延將校同荷生成無任

代謝賜門戟表

臣某言臣得進奏官裴邁狀報本月九日軍器使梁延專奉宣進止付所司准省牒賜臣門戟十二竿者恩降雲天榮加門戶承旨慶抃省躬慙惶伏以禮著等威朝

下接代謝賜門戟表

結廬朱氏贖餘叢書

有命數是昭懋賞必在疇庸臣謬荷寵光素無績效旌旄之寄已忝外藩榮戟爰列更光私第賁於棖闌慶及子孫觀茲盛儀實愧虛受無任欣戴屏營之至

代謝男師損等官表

伏見今月一日制授臣長男師損祕書省著作郎次男式方太常寺主簿又得進奏官裴邁狀報伏承聖恩特降中使送官告到臣宅分付師損者寵渥非常授任不次驚躍無措覩懼失容云云臣謬分重寄獲守外藩受恩既深無績可紀男師損等器惟凡品教闕義方蚤沐叡慈已階官次每懷塵忝常誠滿盈豈謂鴻霈曲覃大明私照寬臣尸素之責念臣葵藿之誠下延脣息叨踐

下接代謝賜門戟表

班級天書出禁中貴臨門榮冠等夷慶流宗族況著作
乃論撰之地唯才吏是居太常實禮樂之司非儒者勿
履願茲庸昧忽此超昇內省慙惶若墜冰谷伏以聖朝
立制建官惟賢名實無乖輪轅盡適微臣父子獨為幸
人非據踰涯自中徂外虛受五山之賜實增負乘之憂
進退彷徨不知所據無任戰汗屏營之至

代謝端午日賜物表

臣某言中使劉光弼至奉宣聖旨慰勞臣及將佐官吏
僧道耆壽百姓等兼賜臣墨詔并衣一副金花銀器三
事綵絲一軸大將衣四副綵絲五軸寵光薦至慶賜曲
霑抃舞失容捧戴無力伏以朱明仲月端午佳辰萬國

結廬朱氏贖餘叢書

被薰風之和九天垂湛露之澤臣幸逢休運獲守外藩
叨承叡慈猥受榮賚發詔而煥窺宸象振衣而頓失炎
威色絲表祥戴光於佩服珍器充玩盡飾於圓方恩輝
既盈喜懼交集下延裨將共荷鴻私無任感戴之至

又謝墨詔表

臣某言中使陳日華至奉宣聖旨慰勞臣及將佐官吏
僧道耆壽百姓等兼賜臣墨詔恩降紫泥澤流下土跪
奉自天之命遙馳捧日之心云云伏以皇帝陛下凝旒
穆清軫念黎獻已治雍熙之化尚存宵旰之勤遠降王
人特迂宸翰慰安稠疊曉諭便蕃任重力微不知上答
應緣戎旅庶務謹具別狀奏聞伏乞皇明俯賜照鑒無

任威戴屏營之至

劉賓客文集卷第十二

宗本共七葉

劉賓客文集卷第十三 表章三

表章三

為杜司徒讓度支鹽鐵等使表

為杜司徒謝追贈表

為杜司徒讓淮南立去思碑表

為京兆李尹賀遷獻懿二祖表

為京兆韋尹賀雨止表

為京兆韋尹賀祈晴獲應表

為京兆韋尹謝許折糴表

為京兆韋尹賀元日祥雪表

為京兆韋尹賀春雪表

結一廬朱氏贖餘叢書

代京兆李尹賀雨表

代李中丞謝紫雪面脂等表

代李中丞謝鍾馗麻目表

代杜相公謝鍾馗麻目表

代武中丞謝新茶表

代武中丞謝春衣表

代武中丞再謝新茶表

代武中丞謝新橋表

代武中丞謝柑子表

代武中丞謝冬衣表

代杜司徒讓度支鹽鐵等使表

結廬朱氏賸餘叢書

臣某言伏奉制書授臣檢校司徒同中書門下平章事
充度支及諸道鹽鐵轉運等使者臣久塵高位尸素已
多更受新恩滿盈為懼云云伏惟皇帝陛下紹登寶位
光纂鴻猷擢用之間華夷聳聽況利權所在宜適變通
國計是資須明輕重當至化鼎新之日是微臣遲莫之
年將何以上副宸衷下成庶務進退惟谷冰炭在懷輒
罄愚誠冀回天監陳力無補庶遵周任之言循涯若驚
敢飾范宣之讓慙惶跼踖倍萬常情謹奉表陳讓以聞

代杜司徒謝追贈表

臣某言伏奉制書褒贈臣亡父先臣某官尚書左僕射
者時逢霽澤禮極徽章云云臣家受國恩至臣累葉常

懼不克負荷以忝前人豈意多幸遭逢猥居高位陛下
應乾御極作解庇人恩浹寰區禮成宗廟垂仁布德自
葉流根紫書忽降於重霄密印榮加於厚夜星霜增感
蒸嘗有輝非臣殞越所能上報無任感咽屏營之至
代杜司徒讓淮南立去思碑表

臣某言伏見淮南節度使王鏐所奏當道將吏僧道耆
壽等請為臣立去思碑伏奉聖旨允其所奏臣內惟菲
薄聲績無聞祇荷恩私慙懼交至云云臣伏蒙先朝過
獎累典方隅頃鎮江都十有四載數周星紀水旱備經
境接淮瀆兵戈時起至於邑里粗免流離非臣所能悉
稟聖化在唐堯可封之日奚假吏師當漢室責實之時

結廬朱氏贖餘叢書

皆承詔旨王鏐與臣交代輒有上聞況以去思為名慙
無可紀之績伏以建碑有制甲令垂文苟非至公翻益
貽誚臣伏覽故事宋璟自廣州都督入為尚書南海之
人請為刊石璟自遜讓至於再三雖勒其文竟從降制
著在國史垂為美談璟非苟榮人益見德臣才誠不逮
心實慕之伏乞聖慈賜寢前命臣情非飾讓義在徇公
云云

代京兆李尹賀遷獻懿二祖表 實

臣某言伏見詔書以今日某日奉遷獻祖懿祖神主祔
於德明興聖皇帝廟盛禮云畢宗祧永安云云伏以太
祖景皇帝膺期撫運啟封於唐為百代不遷之宗開三

靈眷命之兆頃以本朝初建清廟備儀二祖冠西室之先景皇闕東向之位諸儒獻議歷載未行陛下濬發叡謨旁延正論爰詔多士會於中臺酌三禮之前文參百王之故事講貫斯定詢謀僉同撰日展儀考祥視履配貴神於遠祖正尊位於始封廟貌有嚴禘嘗允穆示人以孝得禮之中既觀秩秩之容必降穰穰之福臣職居內史屬忝本枝躬導盛儀獲申誠敬無任感說屏營之至

代京兆韋尹賀雨止表

夏卿

臣某言今月某日中使吳文政奉宣聖旨緣今年雨多恐傷苗稼諸有靈跡處並宜祈禱者臣謹檢尋祀典方

結二廬宋氏賡餘叢書

議徧祠惟德動天候已澄霽伏以至教惠農兆人務本今歲宿麥茂於常年爰自季春遂逢多雨蓋陰陽常數有以推遷而隴畝之間未聞傷敗陛下勞謙思切覆育恩深或慮成災先期軫念昭薦未陳於方社叡誠已格於上玄文明煥開陰曠潛埽有年之慶實兆於茲辰先天不違負超於前代臣謬司京邑虔撫蒸黎欣抃之誠倍百羣品無任踴躍屏營之至

代京兆韋尹賀祈晴獲應表

臣某言今月十七日中使某奉宣聖旨以霖雨未晴諸有靈跡並令祈禱者臣當時於興聖寺竹林神親自祈祝兼差官城外分路徧祠伏以神祇效靈景物澄霽兆

庶觀動天之德。大田俟多稼之期。臣謬荷恩輝。忝司京邑。抃說^{無任}之至。實倍常情。

代京兆韋尹謝許折糴表

臣某言。伏奉詔旨。以臣所請畿內折糴。宜令度支計會定數。奏來者。天慈廣被。人瘼是求。臣自理京邑。不先威刑。唯務便安。所期富庶。每因賜對。常奉德音。府縣之間。巨細令奏。伏以聖明在上。風雨應時。順成之年。穀糴常賤。若無輕重之法。必利兼并之家。輒敢上聞。請行折糴。天光下燭。人隱無遺。宣付所司。允臣所奏。事關理本。惠及生靈。臣忝尹京。倍百欣荷。無任歡躍屏營之至。

代京兆韋尹賀元日祥雪表

結廬宋氏贖餘叢書

臣某言。伏以去冬已來。久無雨雪。臣每於內殿親奉德音。以宿麥未滋。爲虞以兆。人生疾爲念。聖情所屬。神理階通。獻歲發春。佳雪肇降。當夷夏會同之日。觀天人合應之徵。迎喜氣於三元。浹歡心於萬國。癘疵永息。豐阜可期。臣以疾疹未平。步趨有阻。伏蒙恩貸。已具奏聞。謹於光宅寺中。管當本務。不獲隨例。稱慶明庭。旣觀嘉祥。益彰聖德。無任欣躍屏營之至。

代京兆韋尹賀春雪表

臣某言。伏奉詔旨。充某郡主禮命。賜使謝恩之日。親承德音。以春初已來。雨雪猶少。慮妨農事。有軫睿慈。今當下嫁之辰。克致上^玄之感。雲生河漢。及佳期而降祥雪。

豐十三
滿寰區應豐年而呈瑞。臣官當撫字職在肅雍。慶抃之誠實倍常品。

代京兆李尹賀雨表

臣某言。伏奉進旨。以時雨愆候。有妨耕農。應諸有靈跡。處並令祈請者。德音才發。膏雨驟飛。滂霈已周。動植咸說。云云。伏以久愆時澤。上軫聖慈。爰命禱祈。俾申誠敬。神應如響。天且不違。未興雲漢之詩。已致桑林之雨。臣謬司京邑。虔撫黎蒸。觀豐年之可期。同比屋而稱慶。無任欣抃之至。

代李中丞謝賜紫雪面脂等表

汶

臣某言。中使某乙至。奉宣聖旨。賜臣紫雪紅雪面脂口

結廬朱氏贖餘叢書

脂各一合。澡豆一袋。特降王人。俯臨私第。銜恩慶抃。省已慙惶。云云。臣謬荷寵私。素無績效。空變星霜之候。猥霑慶賜之恩。跪捧雕匳。榮觀珍藥。功能去疾。永絕於癘疵。澤可飾容。頓光於蒲柳。生成是荷。雨露難酬。無任感戴。

代李中丞謝鍾馗麻日表

臣某言。中使某乙至。奉宣聖旨。賜臣畫鍾馗一新。麻日一軸。恩降雲霄。光生里巷。雖當歲莫。如煦陽和。云云。伏以將慶新年。聿循故事。續其神象。表去癘之方。願以麻書。敬授時之始。微臣何幸。天意不遺。無任感戴。屏營之至。

又杜相公謝鍾馗麻日表

臣某言高品某乙至奉宣聖旨賜臣鍾馗一新麻日一
軸星紀方回雖逢歲盡恩輝忽降已覺春來云伏以
圖寫威神驅除羣癘頒行肆肆麻敬授四時施張有嚴既
增門戶之貴動用協吉常為掌握之珍瞻仰披尋皆知
聖澤無任欣戴之至貞元三十年中二月日

代武中丞謝新茶表 元衡二首

臣某言中使竇國安奉宣聖旨賜新茶一斤猥降玉人
光臨私室恭承慶賜跪啟緘封云云伏以方隅入貢采
擷至珍自遠爰來以新為貴捧而觀妙飲以滌煩顧蘭
露而慙芳豈蔗漿而齊味既榮凡口感倍丹心無任歡

結廬朱氏贖餘業書

躍感恩之至貞元三十年中二月日

代武中丞謝春衣表

臣某言中使某乙奉宣聖旨賜臣春衣一副王人臨第
御府降衣抃舞失容捧戴無措云云伏以律當春莫慶
洽時邕萬物被薰風之和九天垂湛露之澤受任非次
速尤是虞方懷匪服之憂更荷解衣之賜恩加盡飾拖
朱紫而為榮受非以庸顧形影而增愧丹誠徒罄玄造
難酬無任踴躍屏營之至

又武中丞再謝新茶表

臣某言中使某乙奉宣聖旨賜臣新茶一斤猥沐深恩
再霑殊錫承旨慶抃省躬慙惶伏以貢自外方珍殊眾

下接再謝表

上接謝新茶表

下接謝春衣
上接謝春衣

品效參藥石芳越椒蘭出自仙廚俯頒私室義同推食
空荷於曲成責在素餐實慙於虛受無任

代武中丞謝新橋表

臣某言中使某乙至奉宣聖旨賜臣新橋若干顆特降
寵光猥頒慶賜珍踰百果榮比兼金伏以丹實初成苞
貢爰至芬馨味重方列於御筵雨露恩深忽霑於賤品
感同推食事等絕甘豈唯適口為珍實冀捐軀上答

代武中丞謝柑子表

臣某言中使某乙至奉宣聖旨賜臣柑子若干顆特降
殊私再頒名果自遠稱貴以新為榮伏以方貢外來人
間未覩黃苞輝穎彫俎增華芬芳初佐於大庖慶賜遂

結二廬朱氏贖餘叢書

沾於凡口甘踰萃實剖食既同於楚謠寒比蔗漿析醒
何慙於漢史感恩思效倍百常情無任

代武中丞謝冬衣表

臣某言中使某乙至奉宣聖旨賜臣冬衣一副恩降重
霄榮加陋質承旨慶抃省躬慙惶臣受任已來微效莫
著每更時律慙曠官常豈謂玄造曲成鴻私薦及念茲
戒寒之候錫以禦冬之衣抃舞失容顧盼增飾鶴文是
錫遠慙晉代之賢鷁翼不濡實懼曹風之刺無任感戴
屏營之至

劉賓客文集卷第十四 表章四 歲附

表章四 歲附

為容州竇中丞謝上表

謝中使送上表 三郡

賀收蔡州表

賀赦表

賀赦牋

賀雪鎮州表

賀平淄青表

夔州謝上表

賀冊皇太子表

結廬朱氏贖餘叢書

慰國哀表

賀龍飛表

賀皇太子慶

賀赦表

賀冊太皇太后表

賀冊皇太后表

和州謝上表

賀改元赦表

夔州論利害表五首

代為容州竇中丞謝上表

羣時在朗州相逢因以見託

臣某言伏奉某月日制書授臣容州刺史兼御史中丞

結廬朱氏賸餘叢書

充本管經略招討等使臣發開州日已差某官某乙奉

表陳謝伏以道途遐阻水陸縈紆臣以今月某日到本

任上訖謹宣聖旨慰諭遠人臣本書生素無吏術頃因

多幸賁自正園累沐聖慈驟居清貫識昧通變動乖事

宜愧無善狀以塞公責伏惟叡聖文武皇帝陛下疑旒

穆清洞照寰海推其理也義分寄股肱念蒸民之勤薄

渣遐邇察臣前在事實恕臣本性朴愚賜以恩輝拔於

廢棄遠辭偏郡重委方隅捧印綬以為榮望闕庭而增

戀雖到官之始惠未及人而率下之誠務先克己凡施

正教皆稟詔條參以土宜遂其物性可行必守有弊必

除使蠻夷生梗之風慕臣子盡忠之道力誠不足心實

在茲仗包聖明俯賜照鑒無任感戴屏營之至元和八年

謝中使送上表

臣某言中使吐突仕曉至奉宣聖旨慰諭并送臣至本任者深山遠郡忽降王人跪受恩榮仰瞻宸極伏以發自巴峽至于南荒涉水陸湍險之途當炎夏鬱蒸之候山川縈轉晨夜奔馳幸無他疾得至本管九重結戀遙傾捧日之心萬里獲安皆荷自天之祐無任感戴屏營之至

賀收蔡州表

臣某言伏見詔書以唐州節度使李愬生擒逆賊吳元

結廬朱氏賡餘叢書

濟獻俘文武百僚於興安門列班稱賀者天威遠被元惡就誅一方既平萬國咸慶伏惟叡聖文武皇帝陛下德超邃古道合上玄臨御已來天人協贊削平吳蜀掃蕩塞垣車書大同夷狄來貢葢爾元濟敢懷野心輒聚犬羊苟偷時月陛下聖謨獨運叡感潛通天助神兵人生勇氣既擒兇逆遂正刑書伏三紀之逋誅成九衢之壯觀宗社昭告華夷式瞻行弔伐而在禮無違烜威聲而何城不克楚氛改色淮水安流漢上疲人盡霑雨露汝南遺老重覩昇平凡在具臣孰不欣抃臣久辭朝列恭守遐藩不獲慶稱闕庭陳露丹悃仰瞻宸極倍萬羣情無任踴躍慶快之至元和十二年十月五日

賀赦表 二首

臣某言。伏奉今月一日制書。大赦天下者。聖德廣運。浹於華夷。天光下臨。照彼幽蟄。伏惟叡聖文武皇帝陛下。神扶寶祚。天贊鴻猷。意有所之。事無不克。當淮右凱旋之後。是域中慶幸之時。順陽和以發生。施霈澤於寰海。網開三面。危疑者許以自新。耳達四聰。瑕累者期於錄用。求碩畫於庶位。慮遺材於放臣。旌忠烈之家。賞勳庸之。仁及枯骨。無隔於寇戎。榮加顯親。普沾於存沒。恤刑已責。實廩蠲徭。頒錫彰有客之詩。崇儒協宗子之望。岳瀆咸秩。耆艾飲和。大僚承任子之恩。武旅荷賜金之寵。斯皆禹湯文武之遺美。高祖太宗之耿光。集於聖朝。

結廬朱氏積餘叢書

按今日三日制書一首

上按本表慶州官賦

然後大備。德音所至。和氣隨之。歡謠上徹於九天。福祚永延於億載。能使遠夷屈膝。豈惟小醜革心。率土人臣。不勝大慶。臣久辭闕下。恪守海隅。犬馬之誠。倍百常品。無任抃躍屏營之至。

賀赦牋 上皇太子

使持節連州諸軍事守連州刺史劉某惶恐叩頭伏見。今月一日制書。大赦天下者。伏以獻歲布和。皇恩遠降。乾坤交泰。寰海廓清。伏惟皇太子殿下。道冠元良。德兼忠孝。承顏拜慶。榮輝古今。某職守有限。不獲隨例稱賀。宮庭無任欣說之至。元和中三年正月二十九日。

賀雪鎮州表

臣某言伏見四月二十七日德音以王承宗效順著明復其官爵所獻二郡別置藩垣聖德動天鴻恩及物瑕累咸滌蒸黎永安伏惟叡聖文武皇帝陛下自承寶位克振皇綱既以四海爲家每念一夫不獲昨因大慶爰降殊私廣宥過之科開自新之路綸言一發神聖潛通遂令迷誤之徒頓釋憂危之慮命甫子以入侍獻名都以效誠臣心既明天網爲解因析四郡別爲一方惟懷永圖盡去前弊大河以北化爲禮樂之鄉率土之濱重見昇平之日臣恪居官次遐守嶺隅不獲稱慶闕庭無任踴躍屏營之至

賀平淄青表

結廬宋氏贖餘叢書

臣某言伏見制旨魏博節度使所奏逆賊李師道并男二人並梟斬訖以二月十六日御宣政殿受賀者聖德玄運兵威神速旬月之內鯨鯢就誅泰嶽既甯登封有日伏惟叡聖文武皇帝陛下有征必克舉意無違天地協神算之期雷霆助成師之氣蠢爾孽豎敢生野心繡斧一臨妖氛自滅皆由聖慈廣被叡略潛通獻俘者盡許生還得地者復令安堵感我仁化激其深衷凡是脅從盡思效節五紀巢穴一朝蕩夷遂使齊魯之鄉復歸仁壽之域捷書既至傳首繼來備文物於明庭告殊勳於清廟百辟陳賀萬方會同此止從戈所以爲武西周士庶方觀飲至之容東嶽煙雲已望告成之禮臣恪居

遠服嘗忝班行慶快之誠倍萬羣品無任踴躍屏營之至元和中四年三月二十四日

夔州謝上表

臣某言伏奉某月日制書授臣使持節都督夔州諸軍事守夔州刺史跪受天詔神魂震驚伏惟文武孝德皇帝陛下垂衣穆清叡鑑旁達三統交泰百神降祥浹於華夷盡致仁壽臣家本儒素業在藝文貞元年中三忝科第德宗皇帝記其姓名知無黨援擢爲御史在臺三載例遷省官權臣奏用分判錢穀竟坐連累貶在遐藩先朝追還方念淹滯又遭讒嫉出牧遠州家禍所鍾沈伏草土禮經有制羸疾僅存甘於畎畝以樂皇化伏遇

結廬朱氏贖餘叢書

陛下大明御宇照燭無私念以殘生舉其彝典獲居善部伏感天慈臣卽以今月二日到任上訖硤水千里巴山萬重空懷向日之心未有朝天之路無任感恩戀闕之至長慶二年正月五日

賀冊皇太子表

臣某言伏見制書以中二月二十日冊皇太子盛禮斯畢德音遐宣萬國以貞庶類咸說伏惟文武孝德皇帝陛下體元立極垂訓御時旣闡王猷思安國本前星位定拱宸極以昭彰蒼震氣宣與天地而長久禮先七鬯澤被華夷宗祏有無疆之休生靈懷莫大之慶臣恪居官次遐守巴南不獲稱賀闕庭無任踴躍屏營之至長

上接今日三日制書

慶二年正月日

慰國哀表

臣某言上天降禍大行皇帝奄棄萬國奉諱號辦糜潰
五情伏惟皇帝陛下孝思至性攀號罔極臣忝守所部
不獲陪位兩宮伏增感慕之至謹奉表陳慰以聞長慶
四年正月日

賀龍飛表

臣某言伏見詔書正月二十六日皇帝陛下嗣登寶位
萬國同歡日月繼明乾坤交泰伏惟皇帝陛下欽承顧
命惟懷永圖以大孝奉宗祧以至仁蘇品物洞照寰海
統和神人聖祚延長從今無極羣生鼓舞自此大甯臣

結廬朱氏撰餘叢書

守遐藩恪居官次不獲奔馳拜舞稱賀闕庭無任抃躍
屏營之至長慶四年正月日

賀皇太子牋

使持節都督夔州刺史劉某叩頭伏惟皇太子殿下祇
膺詔冊光啟儲闈展至性於三朝承本枝於百代宗祏
永固神人以和四嶽仰維嵩之高百川承少海之潤其
限以職守不獲隨例稱慶宮庭無任抃躍之至

賀赦表

臣某言伏見今月三日制書大赦天下者大明初昇萬
物咸覩渙汗一發神人以和伏惟皇帝陛下天資叡聖
神啟昌期端拱受萬國之朝承顏奉兩宮之慶初嗣大

上按十九天賀皇太子受冊成
三第一首

上按本表賀皇太子受冊成
接上今月一日制書一首

上接賀冊
太后

位克揚孝心三光協明和氣來應臣伏讀赦令首於奉
園陵盡誠敬親九族蘇兆人次及定章程止進獻已逋
責滌夙瑕內照於九重則歸嬪嬙放鷹犬外明於四目
則求隱士開直聲柔遠以仁則還其係虜賞延以禮則
澤及後昆菲食遵夏禹之規弋綈法漢文之儉墜典咸
舉舊章再明昇平之期正在今日發號之始疾於春風
殊私所及霈若時雨臣幸逢昌運歷事五朝出守遐藩
僅垂二紀欣承雷雨作解之澤不勝犬馬戀主之誠瞻
望帝鄉無任屏營懇悃之至長慶四年五月五日

賀冊太皇太后表

臣某言伏見制書以二月十八日冊立太皇太后徽章

結廬朱氏贖餘叢書

克備慶賜遠行榮冠古今澤周寰海伏惟皇帝陛下續
承列聖歡奉兩宮太皇太后含飴保和重光疊慶漢儀
盛於長信周祚興於太任方之聖朝彼有慙德臣遠守
巴峽不獲稱賀闕庭無任抃躍屏營之至長慶四年五
月日

賀冊皇太后表

臣某言伏見制書以二月二十五日冊立皇太后盛禮
畢陳德音遠被一人有慶萬國同歡伏惟皇太后稟靈
作合誕聖表祥徽號極域中之尊慈仁為天下之母陛
下君臨有國子道無違長樂宮中永獻南山之壽濯龍
門上再揚東漢之風率土臣子不勝歡抃臣遠守荒服

不獲稱慶闕庭無任踴躍屏營之至

和州謝上表

臣某言伏奉制書授臣使持節和州諸軍事守和州刺史臣自理巴賚不聞善最恩私忽降慶抃失容伏惟皇帝陛下丕承寶祚光闡鴻猷有漢武天人之姿稟周成叡哲之德發言合古舉意通神委用人動植咸說理平之速從古無倫微臣何幸獲覩昌運臣業在詞學蚤歲策名德宗尙文擢爲御史出入中外厯事五朝累承恩光三換符竹在分憂之寄祿秩非輕而素蓄所長效用無日臣聞一物失所前王軫懷今逢聖朝豈患無位臣卽以今月二十六日到所任上訖伏以地在江淮俗

續廣朱氏贈餘義書

參吳楚災旱之後綏撫誠難謹當奉宣皇恩慰彼黎庶久於其道冀使知方伏乞聖慈俯賜照鑒臣遠守藩服不獲拜舞闕庭無任懇惻屏營之至謹差當州軍事衙官章典奉表陳謝以聞長慶四年十月二十六日

賀改元赦表

臣某言伏見今月七日制書大赦天下者帝遊出震聖澤如春神人以和天地交泰伏惟皇帝陛下丕承鴻業光闡叡圖吉日展嚴配之儀告天陳太平之盛九廟成禮百神降祥鑿輅旋衡風雲改色殊私廣被再弘莫大之恩寶祚惟新更啟無疆之祚兩宮承慶四海永甯率土臣子千萬壽臣恪居官次不獲稱賀闕庭無任屏

營之至謹差當州軍事衙官試慈州杏園府別將徐倫
奉表陳賀以聞寶曆元年五月廿六日

夔州論利害表 二首

臣某言伏準元和十二年四月十八日敕敕諸州刺史
如有利害可言者不限持節任自上表聞奏者臣伏見
貞觀中詔許羣臣各上書言利便馬周時一布衣遂因
中郎將常何獻策二十餘事太宗深奇之盡行其言擢
周爲御史至龍朔中壁州刺史鄧弘慶進平索看精四
字堪爲酒令高宗嘉之亦行其言遷弘慶爲朗州刺史
則知苟有所見雖布衣之賤遠守之微亦可施用況臣
早受國恩德宗朝忝爲御史逮今歷事四朝頓領藩條

結廬未氏贖餘叢書

當陛下至明之時是微臣竭節之日伏以守在遐郡不
敢廣有所陳謹準敕上利害及當州公務各具別狀以
聞伏乞聖慈俯賜照鑒無任感激屏營之至謹差當州
軍事衙官守易州安義府別將員外置同正員雲騎尉
馮隨謹奉表以聞長慶三年十月七日

又論利害表

臣某言伏準今年正月五日德音宜令諸道觀察使刺
史各具當處利害附驛以聞者伏惟皇帝陛下叡哲自
天續成列聖善述先志發揚德音率土人臣不勝慶幸
臣虔奉詔旨宣示蒸黎伏以華夏不同土宜各異詳求
利病謹具奏聞伏乞聖慈俯賜照鑒臣伏覽國史竊見

開元十八年朝集使至京。玄宗臨軒親問利害。時宣州刺史裴耀卿上便宜事論轉輸甚詳。竟不行。下至二十一年。耀卿為京兆尹。再以前事奏論。方見允納。比及三年。漕運七百萬石。省腳三十餘萬貫。當耀卿前不見納。必有人非之。及後數年。方展其效。臣僻守遠郡。敢望言。行祇奉詔書。或冀萬一。伏惟明主擇之。無任懇悃屏營。迄至長慶四年五月十四日。

劉賓客文集卷第十四 字本共十卷

上接蘇州謝上

結廬宋氏贍餘叢書

劉賓客文集卷第十五 表章五 牋附

表章五 牋附

代為裴相公賀冊魯王表

為裴相公讓官第一表 并批答

第二表 并批答

第三表 并批答

蘇州謝上表

蘇州謝振賜表

蘇州賀冊皇太子表 受冊牋

蘇州賀冊皇太子牋

代為裴相公賀冊魯王表

臣某言伏見制書以今日冊魯王禮畢皇家有慶寶祚無疆既榮本枝克固盤石伏惟皇帝陛下德符列聖道冠前王孝敬承兩宮之歡虔恭奉九廟之化先崇大禮慶浹天人次念建封事兼家國伏以魯王夙承勗訓特稟天姿爰擇吉辰光膺寵冊既示之以君親之道又錫之以禮義之邦寰海聞風室家相慶臣自嬰疾疹已歷旬時不獲展禮明庭拜舞稱賀無任

代裴相公讓官第一表 并批答第一表

臣某言臣去冬得疾近日加劇西夕之景豈能久留及其未亂披露誠懇臣犬馬之齒六十有七壽雖不長亦不爲短位忝公台近十五年皆由際會非以才進常懼

結廬朱氏賸餘叢書

官謗以招國刑今被病得死保其始終爲幸甚厚豈復嗟咨所恨者遇聖明之君不得佐成太平之化自量氣力忽恐奄然則有微素無階上達伏惟聖慈照鑒憐而察之伏以三公非曠職之地宰相非臥理之官伏枕之初已有陳乞請罷真食兼辭貴階伏蒙優詔纔遂一事頻降中使慰勉再三專令御醫旦夕診視苟安名器不覺經時主恩則深公議不可伏思陛下臨御之始宰臣四人逮今零落忽以一半臣且危憊餘年幾何唯易直外鎮獨得無恙竊推此理權位難居伏乞賜臣停官許在家養疾就閒辭祿或冀有瘳害盈福謙固是神理儻天眷綢厚念以伏事多年臣之所陳未蒙便遂則國朝勳

舊以疾辭位者皆得致事官使其家居足以頤養既有成例著於舊章伏望天恩特賜哀允無任

省表具知夫爵位崇高以酬勳德君臣協契諒在始

終斯乃前王之命圖有國之彝典也況卿輔相憲祖

逮於朕躬履歷四朝夷險一致服事君之大節推濟

物之深誠道光朝倫行滿天下倚注之意豈同他人

屬朕纂麻御乾興師伐叛騷動累歲端憂靡遑及河

朔載甯郊工畢事方欲咨詢元老康靖生靈不虞寒

暑所侵勤勞遇疾雖國醫診視中使省臨憂屬之誠

頃刻在念忽覽章奏退讓官榮雖知止之心則思避

寵而謀猷之體斯乃為時寢食之間勉加頤養其所

結一廬宋氏贖餘叢書

陳乞非朕意焉

第二表 并批答

臣某言臣所獻章表發於至誠伏奉批答未蒙允許外

負公責內迫私情祈於必遂敢守難奪臣束髮已來號

為強力及其晚節亦未甚衰一朝被病遂至懸惛臣自

思省得其端倪非飲食不節無有霧露之犯蓋由才微

而任重功薄而賞厚竊位既久妨賢則多以積年之過

幸致今日之沈疾不能酌損所以生災悟雖已晚情實

非矯伏惟陛下念其委使之久察其危苦之詞特降深

恩救臣不逮無冒榮之咎得遂性之宜物議不形病心

自泰忍死俟命披肝再陳伏乞聖慈俯賜容納無任迫

切懇禱之至

省表具知卿勳績崇高誠節忠盡秉心一德宣力四朝訐謨緝熙弼予於理勤勞事國啟沃匪躬功格道先常所嘉尚所疾未瘳勉於善養勿藥之喜仁卽痊平台袞之司倚卿爲重乃累陳退讓殊謂不然宜體朕懷卽斷來表

第三表

并批答

臣某言得疾踰年在假三月再有陳請未蒙允從慮其奄忽銜愧入地伏惟聖慈哀而信之臣聞君之使臣在知其心而聽其言不以容尸祿爲惠也臣之事君在無隱情而盡忠節不以受非據爲榮也然後上下交感終

結廬朱氏贍餘叢書

始可詠臣伏事陛下五年於茲葵藿微誠已蒙識察桑榆暮景所冀哀憐豈令危憊之時更懼滿盈之禍雖有藥石安能調和聖日難逢生涯漸短體羸無拜舞之望心在有涕戀之悲臣伏覽國史備見前事太宗朝李靖高宗朝劉仁軌皆自宰臣乞骸致政其後知猶可用復起於家進退之間曲盡情禮君臣之際良史美談伏望陛下悉臣至誠念臣羸病許遂頤養以保餘年俟其有瘳或報萬一無任懇款邊迫之至

省表具悉謝病之制雖起於昔賢盡瘁之詞亦標於古典況卿有功於國作相累朝自匡輔眇身又勤勞數載豈可以微疾去位以重望辭榮章疏徒來延遲

彌切至如太宗朝許李請致政高宗朝遂仁軌乞骸
朕非不知事則有異何者時當明聖在上理道已成
宰臣優游因得自便今則生物尙困庶工未脩言念
勳賢方深倚注惟此故事恐難遽行卿宜體朕誠懷
力更頤養必有多福以扶大忠無至確然復陳章表

蘇州謝上表

臣某言伏奉制書授臣使持節蘇州諸軍事守蘇州刺
史始從郎署出領郡章承命若驚省躬增感伏惟皇帝
陛下受上玄之眷佑揚列聖之耿光大康黎元慎擇牧
守德音海發品物咸蘇臣本書生素無黨援謬以薄伎
三登文科德宗皇帝擢爲御史在臺三載例轉省官永

結廬朱氏贖餘叢書

貞之初權臣領務遂奏錄用蓋聞虛名唯守職業實無
朋附竟坐飛語貶在遐藩憲宗皇帝後知事情卻授刺
史凡歷外任二十餘年伏遇陛下應運重光初無廢滯
收拾耆舊塵忝班行旣幸逢時常思展效在集賢院四
換星霜供進新書二千餘卷儒臣之分甘老於典墳優
詔忽臨又委之符竹分憂誠重戀闕滋深石室之書空
留筆札金閨之籍已去姓名本末可明申雪無路豈意
聖慈弘納不隔卑微面辭之日特許升殿天顏咫尺臣
禮兢惶不敢盡言空懷誠懇謝恩而出生光於九陌之
間受訓而行布政於五湖之外臣卽以今日六日到任
上訖伏以水災之後物力索空臣謹宣皇風慰彼黎庶

臣聞有味之物蠹蟲必生有才之人讒言必至事理如此古今同途了然辨之唯在明聖伏惟陛下察臣此言則天下之人無不幸甚江海遠地孤危小臣雖雨露之恩幽遐必被而犬馬之戀親近為榮女和六年五月六日無任

蘇州謝振賜表

臣某言伏奉去年二月十五日敕蘇州宜賜米一十二萬石委刺史據戶均給者恩降九天澤流萬姓伏以臣當州去年災沴尤甚水潦雖退流庸尚多臣前月到任奉宣聖旨闔境老幼無不涕零詢訪里閭備知凋瘵方具事實使欲奏論聖慈憂人照燭幽遠特有振卹救其

結一廬朱氏贍餘叢書

災荒蒼生荷再造之恩儉歲同有年之慶臣忝為長吏倍萬常情無任感激抃躍之至女和六年五月二十四日無任

蘇州賀冊皇太子表

臣某言伏奉制書以今月十日冊皇太子德音遐布盛禮畢陳國本永安人心同慶伏惟皇帝陛下以繼天之聖有知子之明義兼君親禮重宗祏龍樓肇建展嘉禮於三朝鳳_林延長固本枝於萬乘臣守在遐郡不獲稱慶闕庭無任踴躍屏營之至女和七年八月十七日

賀蘇州賀冊皇太子表

朝議大夫使持節蘇州諸軍事守蘇州刺史上柱國劉

下接子未愛州製版

某叩頭叩頭伏惟皇太子殿下允膺上嗣光啟東朝蒼
震發前星之輝黃離表重輪之瑞位居守器禮重承祧
萬國以貞九圍咸說某限以守郡不獲稱慶宮庭無任
踴躍屏營之至

劉賓客文集卷第十五

字本共八葉

劉賓客文集卷第十六 表章六

蘇州謝恩賜加章服表

蘇州賀皇帝疾愈表

汝州謝上表

同州謝上表 并批答

賀臬斬鄭注表

賀德音表

賀赦表

謝恩賜粟麥表

慰淄王薨表

結一盧宋氏附錄叢書

謝恩放先貸斛斗表

謝分司東都表

蘇州謝恩賜加章服表

大和七年

臣某言伏奉去年十一月二十七日詔書加臣賜紫金魚袋餘如故者恩降重霄榮沾陋質虛黷陟明之典恐興彼已之詩寵過若驚喜深生懼中臣起自書生業文入仕德宗朝為御史以孤直在臺順宗朝為郎官以緣累出省憲宗皇帝後知其冤特降敕書追赴京國緣有虛忠稱居清班務進者爭先上封者潛毀巧言易信孤憤難申俄復一麾外轉三郡伏遇陛下膺期御宇大振滯淹哀臣宿舊猥見收拾職兼書殿官忝儀曹微勞未

結一廬未氏曠餘義書

宣薄命多故又離省署重領郡符延英面辭親承教誨銜命卽路星言載馳到任之初便逢災疫奉宣聖澤恭守詔條上稟叡謀下求人瘼才術雖短憂勞則深幸免流離漸臻完復皆承聖化所及遂使人心獲安豈由微臣薄劣能致臣素乏親黨家本孤貧年衰無酒食之娛性拙無博奕之藝自領大郡又逢時災晝夜苦心寢食忘味曾經誣毀每事防虞唯託神明更無媒援豈期片善上達宸聰回日月之重光燭江湖之下國絲綸褒異苦節旣彰印綬煒煌老容如少望雲天而拜舞豈盡丹誠視環玦以裴徊空嗟白首無任感激屏營之至大和七年十二月十六日

蘇州賀皇帝疾愈表

大和八年正月二十八日

臣某言。臣得本道觀察使報。伏承聖躬痊愈。已於紫宸殿視朝者。一人有慶。萬國同歡。伏惟皇帝陛下。外親萬務。內奉三宮。常懷宵旰之勤。遂失寢興之適。上_中降祐。列聖表靈。百神奔走。以來扶四海精誠。而致感。勿藥有喜。如山永安。宗廟保無疆之休。寰瀛申莫大之慶。臣恪居官次。遐守江干。不獲稱賀闕庭。無任踴躍屏營之至。

汝州謝上表

臣某言。伏奉去年七月十四日詔書。授臣使持節汝州諸軍事。守汝州刺史兼御史中丞。充本道防禦使。餘如故者。臣久居遠服。戀闕常深。忽降新恩。近鄉爲貴。承旨

結廬宋氏贖餘叢書

慶。抃首躬慙。惶臣某誠歡誠喜。頓首頓首。伏惟皇帝陛下。垂衣穆清之中。旁照寰瀛之內。車書所及。動植咸安。昨離班行。遠守江徼。延英辭日。親奉德音。知臣所部災荒。許臣到任。條奏共承勅旨。宣示羣黎。滅其征徭。頒以振賜。伏蒙聖澤。救此天災。疲羸再蘇。幼艾同感。二年連遭水潦。百姓幸免流離。交割之時。戶口增長。雖才術不足於事。未周而憂勞則深。爲眾所悉。臣本業儒素。頻登文科。時命遭回。再領軍郡。卽以今月二十七日到任。上訖。謹當奉宣皇化。慰彼蒼生。臨汝水之波。朝宗尙阻。望秦城之日。回照何時。無任感激屏營之至。謹差防禦押衙章禮簡奉表陳謝。

同州謝上表 并批答

臣某言伏奉去年十月二十三日制書授臣使持節同州諸軍事守同州刺史兼御史中丞充本州防禦長春宮等使恩降九重榮忝三輔承旨慶抃省躬慙惶臣某伏惟皇帝陛下丕承列聖光闡鴻猷氛祲埽除乾坤交泰臣幸逢昌運累沐殊私空荷生成之恩甯酬雨露之澤卽以今月二日到本州上訖謹宣叡旨安慰蒸黎伏以本州四年已來連遭旱損閭閻凋瘵遠近共知臣頃任蘇州之年亦遭大水之後面辭之日親奉德音至於撫綏皆承聖教二年之後百姓獲安今本部災荒物力困涸忝為長吏敢不竭誠卽須條疏續具聞奏臣恪居

結二盧朱氏賸餘叢書

官次幸接王畿不獲拜舞彤庭陳露丹悃犬馬懷戀寢興匪甯瞻魏闕之容朝天尙阻望長安之路近日為榮無任感激屏營之至謹差防禦知衙官試殿中監楊克又奉表陳謝大和九年十月五日批答省表具知卿任居三輔職奉六條累聞問俗之勞載覽勤人之志言惟顧行深慰朕懷勉弘故經以副憂寄所謝知

賀梟斬鄭注表 大和九年

臣某言伏奉前月二十五日詔書示逆賊鄭注已梟首訖氛妖殄滅華夏乂安狀以逆賊鄭注本出細微潛懷梟獍之心兼結兇狂之黨人倫共棄神理不容陛下叡

略感通天人合應重臣協力禁旅齊心指顧之間猖狂自潰乾坤交泰日月增明凡在人臣不勝慶快臣恪居官次不獲稱賀闕庭無任欣歡抃躍之至
大和九年
二月三日

賀德音表

臣某言伏見今月十六日德音布告遐邇天道下濟人情大安伏惟皇帝陛下凝旒思理垂意擇材以日月無私之光照寰區有截之內貴使下情盡達雷虞厚貌潛謀一昨李訓鄭注等敢有逆心兼連兇黨陛下叡謀神斷左右協同頃刻之間埽除已定重臣畢力禁旅竭忠氛祲廓清華夷咸說言念正刑之外或有註誤之徒再

結廬采氏贖謫叢書

發德音廣宣聖澤當星紀回天之日迎陽和照物之光懷危疑者如山之安欲告訐者望風知懼非同謀者一切不問未結正者三宥從寬含生之倫普天同感臣恪居官次不獲稱慶闕庭云云謹差防禦知衙官朝議郎權知容州都督府司馬孫惕奉表

賀赦表

臣某言伏奉今月一日制書改大和十年爲開成元年大赦天下者雷雨作解人神說隨澤及八荒網開三面臣某誠歡誠喜頓首頓首伏惟皇帝陛下上承乾綱下立人極用含弘光大之澤副夷夏會同之心獻歲改元惟新景祚先明首罪次及羣妖述叡情以曉萬方施鴻

需以蘇庶物恤辜宥過已責弛征郡縣之舊弊悉除賦
稅之新規咸備停藩方節獻之禮以惠疲人回榷管餘
羨之財以資京邑命使展澄清之志察言求讜直之材
弓旌賁於上園粟帛頒於耆艾爰以初吉御宇明庭德
音一發於九天和氣驟周於四海開物成務實表於建
元應天順人永延於億載臣幸居近輔先受殊恩不獲
稱慶闕庭陪榮班次眾星列位常拱北辰之光新歲拜
章遙獻南山之壽無任抃躍屏營之至

謝恩賜粟麥表

臣某言伏奉今日一日制書以臣當州連年歉旱特放
開成元年夏青苗錢并賜斛斗六萬石仰長吏逐急濟

結廬未氏贖餘叢書

用不得非時量有抽斂於百姓者恩降九天澤周萬姓
優詔纔下羣情頓安臣某誠歡誠喜頓首頓首伏以災
沴流行陰陽常數物力既竭人心匪遑輒敢奏聞本求
貸借皇恩廣被玄造曲成既免在田之征仍頒發廩之
賜臣謹宣赦文節目彰示兆人鼓舞歡謠自中徂外臣
初到所部便遇儉時今蒙聖慈將有振恤主恩及物已
爲壽域之人眾意感天必有豐年之應臣恪居官業不
獲拜舞闕庭無任感激之至

慰淄王薨表

臣某言臣得進奏官楊惕狀報淄王薨輟朝三日伏惟
皇帝陛下德邁前王情深近屬憫枝葉之謝諒切神衷

割肌膚之愛何堪聖念萬方知化九族歸仁凡受國恩
伏深悽惻臣恨以藩守不獲奉慰闕庭無任屏營之至

謝恩放先貸斛斗表

臣某言臣奉五月二十九日敕牒據度支所奏諸道節
度觀察使及州府借便省司錢物斛斗等數內當州欠
三萬六千二十三貫石並放免者殊私忽降逋責滌除
藩方永安遐邇咸說臣某誠歡誠喜頓首頓首伏以關
輔之間頻年歉旱田租既須矜放公用又不支持承前
長吏例有借便以救一時之急皆成積欠之名既未支
填常懷憂懼聖恩周洽洞見物情爰命有司使之條奏
去其舊弊眾已獲安嚴立新規人皆知措臣恪居官次

不獲拜舞闕庭無任抃躍屏營之至

謝分司東都表

臣某言伏奉今月十九日制書授臣太子賓客分司東
都者寵命自天戰越無地臣發迹書生以文爲業出身
入仕四十餘年頃自集賢學士出守吳郡面辭之日親
承德音念百姓水潦之餘示微臣政理之法臣祇膺聖
旨夙夜竭誠閭里獲安流庸盡復猥蒙朝獎錫以金章
及遷同州又遇歉旱悉心綏撫幸免流離今荷天慈憫
臣耆舊列名賓護之職分司河洛之都老馬沾束帛之
恩枯株蒙雨露之澤獲居榮秩以畢餘年顧此微軀實
爲厚幸伏以臣始爲御史逮事德宗今忝宮寮幸逢聖

日舉四海之內賢能則多求六朝之臣零落將盡雖迫
桑榆之景猶傾葵藿之心臣無任感恩惕息之至

劉賓客文集卷第十六

宗本六八葉

是月十日仙宛後寄紀九卷後校畢
○系并外集計之已得半矣